

ছাত্রদল নেতাকে পেটাল বহিষ্কৃত ছাত্রলীগ কর্মী

জাবিতে ঝাটিকা মিছিল, ধর্মঘটের ডাক

জাবি প্রতিনিধি >

জাহাঙ্গীরনগর বিশ্ববিদ্যালয় শাখা ছাত্রদলের শহীদ সালাম-বরকত হলের যুগ্ম আহ্বায়ক জহির উদ্দিন বাবরকে মারধর করেছে ছাত্রলীগের কয়েকজন বহিষ্কৃত নেতা-কর্মী। বিশ্ববিদ্যালয় শাখা ছাত্রলীগের আজীবন বহিষ্কৃত নেতা আশিফ আহমেদের নেতৃত্বে চার-পাঁচজন ছাত্রলীগ কর্মী বাবরকে মারধর করেন। গতকাল বৃহস্পতিবার দুপুরে নতুন কলা ভবন ও জহির রায়হান মিলনায়তনের মাঝামাঝি স্থানে ঘটনাটি ঘটে। জহির উদ্দিন বাবর রসায়ন বিভাগের ৩৯তম ব্যাচের শিক্ষার্থী। সংশ্লিষ্ট সূত্রে জানা যায়, পরীক্ষা শেষে ছাত্রদল নেতা বাবর বাসায় ফিরছিলেন। পথে নতুন কলা ভবনের সামনে আশিফ আহমেদের নেতৃত্বে চার-পাঁচজন তাঁকে ব্যাপক মারধর করে। বিশ্ববিদ্যালয়ের চিকিৎসাকেন্দ্রে প্রাথমিক চিকিৎসা শেষে কর্তব্যরত চিকিৎসক তাঁকে সড়কের একটি হ্রদে হাসপাতালে পাঠানো হয়। কর্তব্যরত চিকিৎসক ডা. শ্যামল রায় জানান, তাঁর ব্যাপক রক্তক্ষরণ হয়েছে। পায়ে ক্ষত থাকলেও তা ডেঙেছে কি না এখনো শেষে জানা যাবে। হামলাকারী আশিফ আহমেদ (রসায়ন, ৩৯তম ব্যাচ) বন্দবস্ত শেখ মুজিবুর রহমান হলের আবাসিক ছাত্র। প্রায় তিন বছর আগে ছাত্রলীগ থেকে বহিষ্কৃত হন তিনি। ঘটনা সম্পর্কে জানতে তাঁর সঙ্গে যোগাযোগ করা হলে তিনি বিচ্যুত বলতে থাকেন। তিনি বলেন, 'বাবর ক্যাম্পাসে নাশকতামূলক কর্মকাণ্ডে জড়িত। এ ছাড়া সে আমাকে চার দিন আগে ক্ষমতায় এলে দেখে নেবে বলে হুমকি দেয়। এ কারণেই আজ বিভাগের টিউটোরিয়াল পরীক্ষা শেষে বের হওয়ার সময় তাঁকে মারধর করেছি।'

তবে এ ঘটনায় বিশ্ববিদ্যালয় শাখা ছাত্রলীগের সম্পৃক্ততা অস্বীকার করে সভাপতি মাহমুদুর রহমান বলেন, 'আশিফ ছাত্রলীগ থেকে আজীবন বহিষ্কৃত। আর তার ক্লাসমেট বাবর। এটা বিভাগের অভ্যন্তরীণ কৌন্দলে হয়ে থাকতে পারে। ওই ঘটনায় ছাত্রলীগের সম্পৃক্ততা নেই।'

এদিকে ছাত্রদল নেতা বাবরকে মারধরের ঘটনায় বিশ্ববিদ্যালয় শাখা ছাত্রলীগের পাঠানো বিবরণিতে এর তীব্র নিন্দা জানানো হয় এবং হামলাকারীদের যেখানে পাওয়া যাবে, সেখানেই হামলার কথা বলা হয়। বিশ্ববিদ্যালয়ের প্রক্টর অধ্যাপক ড. তপন কুমার সাহা বলেন, 'ঘটনাটি শুনেছি, অভিযোগ পেলে তদন্তসাপেক্ষে ব্যবস্থা নেওয়া হবে।'

ছাত্রদলের ধর্মঘট : এদিকে বিএনপি চেয়ারপারসন খালেদা জিয়ার ওপর শ্রেষ্ঠারি পরোয়ানা, জাহাঙ্গীরনগর বিশ্ববিদ্যালয় শাখা সভাপতি জাকিরুল ইসলামকে শ্রেষ্ঠারের প্রতিবাদে তিন দিনের সর্বাত্মক ধর্মঘট ডেকেছে জাবি শাখা ছাত্রদল।

ঝাটিকা মিছিল : এদিকে খালেদা জিয়ার বিরুদ্ধে শ্রেষ্ঠারি পরোয়ানা জারির প্রতিবাদে ঝাটিকা মিছিল করেছে জাহাঙ্গীরনগর বিশ্ববিদ্যালয় শাখা ছাত্রদলের একাংশ।